



HUIDIGE STUDENTE: AANSOEK OM (HER)TOEKENNING VAN VERBLYF OP STELLENBOSCH- EN TYGERBERGKAMPUS VIR INNAME-2025

1. Aansoekprosess

- 1.1 Wie moet aansoek doen?** Alle huidige koshuis studente wat vir die daarop volgende studiejaar universiteitsverblyf benodig, moet elektronies op die studenteportaal by "student.sun.ac.za > services & communities > student accommodation > apply for residence" aansoek doen.
- 1.2 Vir watter koshuis kan jy heraansoek doen?** Jou heraansoek sal slegs vir verblyf in jou huidige koshuis geld. Ons kan ongelukkig geen oorplasing na 'n ander koshuis oorweeg nie. **Hou in gedagte as jy die maksimum aantal jare in 'n koshuis bereik het, jy nie vir plasing in daardie koshuis oorweeg sal word nie.**
 - Indien jy in 'n junior koshuis is en die maksimum aantal jare in daardie koshuis bereik het, sal jy vir 'n senior koshuis kan aansoek doen.
- 1.3 Sluitingsdatum:** Die aansoek sal aanlyn beskikbaar wees vanaf middel Mei tot om middernag op 31 Julie. Indien die Universiteit nie jou aansoek voor die spertyd ontvang nie, **sal jy ongelukkig nie vir koshuisverblyf oorweeg word nie.** Maak dus seker dat jou aansoek vasgelê is.
- 1.4** Hou in gedagte dat 'n aansoek nie 'n plasing waarborg nie. Die aantal aansoeke is heelwat meer as die getal beskikbare koshuisplekke.

2. Kriteria vir (her)toekenning van verblyf

2.1 Akademiese prestasie:

Neem asseblief kennis van die HEMIS-vereistes vir koshuisplasing op Stellenbosch-kampus na verloop van die Junie en/of Desember eksamens:

Junie Eksamen

| Historiese jare | 0,5 | 1,5 | 2,5 | 3,5 | 4,5 | 5,5 |
|---|--------|------|--------|-----|-----|-----|
| HEMIS-krediete vir hoofstroom vereis | 0,3375 | 1,16 | 2,0825 | 2,7 | 3,6 | 4,5 |
| HEMIS-krediete vir verlengde kurrikulumprogram vereis (VKP) | 0,3375 | 0,8 | 1,232 | 1,8 | 2,7 | 3,6 |

Desember Eksamen

| Historiese jare | 1 | 2 | 3 | 4 | 5 | 6 |
|---|------|------|------|------|------|------|
| HEMIS-krediete vir hoofstroom vereis | 0,45 | 1,45 | 2,45 | 3,00 | 4,00 | 5,00 |
| HEMIS-krediete vir verlengde kurrikulumprogram vereis (VKP) | 0,45 | 1,00 | 1,45 | 2,00 | 3,00 | 4,00 |

Let wel:

Gebaseer op die Junie Eksamen:

Jou koshuis her-aansoekstatus sal dan teen die begin van September gepubliseer word op "student.sun.ac.za" en sal as "**Allocated**" of "**Cancelled/Unsuccessful**" aangedui word.

Gebaseer op die Desember Eksamen:

- As jy voorwaardelik in September 'n plek toegeken was, gebaseer op die Junie koshuis HEMIS vereiste en daarna ook aan die Desember HEMIS vereiste voldoen (ná die Nov/Des-eksamen resultate beskikbaar is) sal jou verblyfstatus as "**Allocated**" of "**Cancelled/Unsuccessful**" reflekteer.
- Indien jou aansoek om (her-) toekenning van verblyf ná albei eksamens (Junie en Desember) suksesvol is, sal jy teen (laat) Desember wel korrespondensie per e-pos ontvang rakende die amptelike intrekdatums vir die nuwe akademiese jaar.
- Indien jy nie in Junie aan die koshuis HEMIS-vereistes vir plasing voldoen nie, maar wel in Desember aan die vereiste voldoen, sal jy slegs van die waglys af, wat in die nuwe akademiese jaar open, oorweeg kan word. Neem in ag dat plekke beperk is en dat daar geen waarborg is dat jy wel 'n plasing sal kry nie. Die diversiteitsbeginsels soos uiteengesit in die koshuisplasingsbeleid, sal geld as kriteria vir terugplasing.
- Indien jy in Junie aan die koshuis HEMIS-vereistes voldoen, maar nie in Desember nie, sal jy ongelukkig jou plek verloor. Jy mag dan ook jou naam op 'n waglys registreer, wat in die nuwe akademiese jaar open. Hou egter in gedagte dat jy eers oorweeg sal word vir plasing na almal wie aan die koshuisplasings kriteria voldoen, oorweeg was vir plasing.
- Lees gerus meer oor die hertoekenning van verblyf en kriteria in die Koshuisplasingsbeleid en Bestuursriglyne op die studenteportaal by www.maties.com.

2.2 Maksimum verblyf in koshuis:

2.2.1 Juniorkoshuis: Jy mag bly vir die minimum duur van jou aanvanklike (eerste) voorgraadse program waarvoor jy ingeskryf het. As jy die minimum duur van jou program oorskry het, kan jy **NIE** in jou juniorkoshuis aanbly nie, ongeag jou akademiese prestasie.

NB! As jy nie vir seniorkoshuis aansoek doen nie, sal jy nie oorweeg word vir plasing in 'n seniorkoshuis nie.

2.2.2 Seniorkoshuis: Die maksimum verblyftyd in senior verblyf is 3 jaar.

2.2.3 Tygerberg-kampus: Op die Tygerberg-kampus beweeg studente deur die loop van hul voorgraadse studie van junior na senior koshuise. Die junior fase vir MBChB-studente word beskou as eerste tot derde jaar, terwyl die senior fase beskou word as die vierde tot die sesde jaar. Vir die aanvullende wetenskappe word die junior fase as eerste tot derde jaar beskou, terwyl die senior fase na die finale vierde jaar verwys. Voorkeur sal gegee word aan Arbeidsterapie en Spraak-Taal- en Gehoorterapie aansoekers van voorgraadse koshuise op die Stellenbosch-kampus. (Weens beperkte spasie, is plasing nie gewaarborg nie)

2.3 Programme in Geneeskunde en Gesondheidswetenskappe (Tygerberg-kampus); Besigheidskool- (Bellville-kampus), Telematiese Onderrig- (Afstandsonderrig) en Elsenburg-studente: Studente wat by Tygerberg, Besigheidskool of Elsenburg studeer of via ons Telematiese Onderrig studeer, kan nie in 'n koshuis op Stellenbosch-kampus tuis gaan nie. Dit sluit studente wat die programme B in Arbeidsterapie I en B in Spraak-Taal- en Gehoorterapie I en II uit, wat hulle aanvanklike studiejare op die Stellenbosch-kampus deurbring.

2.4 Geleentheid-, SciMathUS- of kortkursusstudente: Studente wat as geleentheidstudente registreer of enige kortkursus volg, kan nie op universiteitsverblyf in daardie jaar aanspraak maak nie.

2.5 Studente wat voltyds werk: Voltyds geregistreerde studente aan die Universiteit wat in dieselfde studiejaar ook voltyds werk en daarvoor betaal word, mag nie van universiteitsverblyf gebruik maak nie. Dit sluit Post Doktorale studente in.

- 2.6 Studente met gestremdhede wat koshuisverblyf vereis:** Studente met gestremdhede wat koshuisverblyf vereis, moet die Student Akkommodasie kantoor kontak deur 'n e-pos aan info@sun.ac.za te stuur.
- 2.7 Registrasie aan die einde van Februarie:** Alle studente wie in Universiteit koshuise/huise woonagtig is (**insluitend** Meesters- en Doktorale studente), **moet teen einde Februarie van die jaar van inwoning geregistreer wees.**
- 2.8 Nagraadse internasionale studente:** Vir plasing in senior koshuise moet internasionale studente die Universiteit Stellenbosch Internasionale Kantoor kontak op interhouse@sun.ac.za.
- 2.9 Verblyf in luister-, leef- en leer- (LLL-) huise:** LLL is 'n jaarprogram en studente moet elke jaar aansoek doen. Inligting oor aansoeke om hierdie tipe verblyf is beskikbaar by Mnr Enos Lekala by enos@sun.ac.za of www.sun.ac.za/lll.
- 2.10 Studenteleierskap:** Studente wat verkies word vir 'n amptelike leierskapsposisie in die koshuis, kan langer as die minimum duur van hul program bly. **Leiers moet ook aan die akademiese vereiste vir herplasing voldoen.** Neem kennis dat net 25% van die mentors wat per koshuis aangewys word langer as die normale duur van hul program kan aanbly.
- 2.11 Pandalstudente (Studente wie by die huis of in privaat akkommodasie woon) aansoeke:** Vanweë die beperkte aantal beskikbare plekke, sal 'n maksimum van 20 plekke (10 mans en 10 dames) aan **pandalstudente** vir 2025 geallokeer word. Let daarop dat studente wat hul koshuisplek gekanselleer het, ook as pandalstudente beskou word. Pandalstudente sal egter op die waglys kan registreer, wat met die aanvang van die nuwe akademiese jaar in 2025 oopmaak.
- 2.12 Nuwe plasinge in seniorkoshuis:**
- 2.12.1** Voorkeur sal gegee word aan aansoekers vanuit juniorkoshuise.
- 2.12.2** Die koshuis HEMIS-vereiste is hier die hoof kriteria vir plasing.
- 2.12.3** Finansiële behoefte gebaseer op 'n student se sosio-ekonomiese status sal ook, waar moontlik, in ag geneem word.
- 2.12.4** 'n Student wat nie in 'n seniorkoshuis geplaas kon word nie, kan op die waglys wat in September 2024 op "student.sun.ac.za > services & communities > student accommodation > apply for waiting" list aansoek doen.
- 2.13** Alle studente moet by die aanvang van die klas van die nuwe studiejaar in hul koshuise ingetrek het. Indien die student nie in die koshuis ingetrek het nie en geen vooraf reëlings is getref nie, sal die student se plasing gekanselleer word.

3. Verblyfkansellاسies

- 3.1** Indien jy om akkommodasie aansoek gedoen het, maar nie meer daarvan wil gebruik maak nie, kanselleer asseblief jou aansoek of toegekende plek aanlyn **voor/op** 30 September.
- 3.2** Indien jy **ná** 30 September kanselleer, sal ons die volgende kansellasiefooi hef:

| Kansellasiedatum | Kansellasiefooi |
|---|---|
| Tussen 1 Oktober en 31 Oktober | R1 000 |
| Tussen 1 November en 30 November | R2 000 |
| Vanaf 1 Desember | R3 000 |
| Na die aanvang van amptelike inwoning aan die begin van die akademiese jaar | Sien koshuisplasing kansellasie reëls |

- 3.3** Enige kansellasie **voor** 31 Augustus moet op "student.sun.ac.za > services & communities > student accommodation > cancel application" gedoen word. Indien jy **na** 31 Augustus kanselleer, moet 'n epos, gerig aan die studenteakkommodasiekantoor, na info@sun.ac.za gestuur word.
- 3.4** As jy kanselleer na die **aanvang van die akademiese jaar** (of nie betyds opdaag nie), is jy aanspreeklik vir 'n kansellasiefooi soos aangedui in die [koshuisplasing kansellasie reëls](#). Indien 'n plaasvervanger geïdentifiseer word en jy van die kansellasiefooi

kwyteskeld word, sal jy steeds verantwoordelik wees vir die verblyfsooie totdat die plaasvervanger in die koshuis intrek.

- 3.5** Die datum van ontvangs van die skriftelike kennisgewing sal as die amptelike datum vir die berekening van enige verskuldigde gelde gebruik word.

Studente Akkommodasie kantoor, April 2024